

臨

平

記

補遺

集顏魯
公家廟
碑字



光緒乙

酉季春

錢唐丁

氏嘉惠

堂開雕

余年甫四齡卽從德清舊廬遷居臨平之史家埭所居有樓三楹其下臨街每歲元夕張鐙輒於樓上觀之余擬繪生平所游歷者爲四十圖其第一圖曰史埭春鐙卽謂此也咸豐辛酉賊至臨平縱火三日余時避兵上虞之楂浦聞而傷之賦詩云童時所釣遊不與桑梓異阡陌與市廛歷歷在夢寐如何一轉瞬惟賸山光翠他年更訪舊何處黃公肆蓋悽然有新亭之涕焉已而王師騰馳電掃羣盜以次削平余於戊辰歲再至臨平大亂之後新故術都不可辨余躑躅其間慨然曰河山不異舉目有風景之殊矣

臨平記補遺序

一

臨平故有勝國沈東江先生所撰臨平志亂後猶有藏弄是書者錢唐丁氏刻入武林叢書而張小雲明經又補其所未備爲臨平志補遺四卷因余舊寓臨平問序於余其書於明以前臨平事實亦略備矣從臾丁氏并刻其書以附沈志之後惟東江乃勝國人故所紀載止於元末小雲補遺止於明末亦循其例然臨平雖小小一鎮市而國朝二百年來史翰林之故里孫文靖之舊居徵文考獻頗有可采倘有爲續志者自當一一載之卽余所謂史埭春鐙者或亦可爲臨平一故實乎是余所望於東湖諸君子者矣

光緒十年歲在甲申冬十月曲園居士俞樾書於平
望舟中

臨平記補遺序

二

草創是編蒐輯匪易探討六籍藉之同志史傳山經
藝文輿地新論各陳遺聞斯萃凡所著錄各題姓氏
統列卷末用告來世乙酉夏五大昌手誌

德清俞曲園先生

定海黃以周元同

平湖徐維錕鏗青

錢塘張景雲寅伯

仁和張爾嘉春岫

仁和許郊子社

仁和朱孝淮子香

臨平記補遺題名

海甯許仁杰壬伯

仁和王同同伯

錢塘鄒在寅典三

餘杭孫樹義補山

餘杭孫樹禮和叔

錢塘楊振鎬春浦

錢塘吳慶坻子修

仁和高保康恭甫

仁和周元瑞子雲

仁和魏本存性之

仁和羅渠蟬生

錢塘丁立誠修甫


錢塘丁立本道甫

錢塘丁立中和甫

仁和顧浩養吾

臨平圖

張爾嘉繪



臨平記補遺卷一

仁和張大昌輯

事記

大昌曰東江舊例凡事之有年月可稽者依年月編之為事記無年月則入附記皆至元代而止明代事僅見辨論中今事記以東江作臨平記為止附記以東江墓為止詩詞亦均終以東江恭讀

欽定四庫全書總目附存類中有沈東江集題曰明處士沈謙撰故於東江入明末東江後事概弗屬

臨平記補遺卷一

入

又曰東江舊書事記凡一百有四條附記四十七條詩五十二首詞二首其書始於癸未成於甲申今亦適於癸未議始至甲申而成

晉中宗元皇帝建武元年周卓卜居臨平祠絳侯咸

臨安志周絳侯廟在臨平鎮晉建武元年侯裔孫卓卜居臨平鄉之大姓俞氏因即其地祠侯建炎金人犯境鄉民環廟為柵以守敵仰視旌旗蔽空書曰漢絳侯周勃皆羅拜遁去自是靈異著聞雨暘蝗疫有禱必應朝廷下其事奉常議見封爵

曲園先生曰余寓臨平久絳侯祠已無考矣而里人所報賽者尚有楚平王廟余始疑楚平王

何以廟食茲土以絳侯祠推之或亦楚亡之後其子孫有流寓於斯者所立乎

又曰吾宗自魏晉以前見於正史者寥寥觀此知晉建武間俞氏固臨平一大姓也考三國吳志有俞和者賜姓孫氏豈即其後邪今臨平亦尚有俞姓者

大昌曰平王淫昏理不當尸祝然則今之平王廟迨即絳侯祠之譌歟

梁簡文帝大寶元年張彪將趙稜敗於臨平方輿紀要

寶初張彪起兵會稽討侯景遣將趙稜等圍錢唐與景將趙伯超戰敗於臨平

臨平記補遺卷一 二

王同曰侯景之變豪傑奮起討賊彪遣稜戰敗
劔為辱然以視湘東移檄稱太清四年而不能
枕戈泣血厲兵攻讐則彪雖非景敵而其無愧
於討逆大義者固不僅始興太守一人矣

唐高宗皇帝時釋玄覽法師恢拓華嚴院舊址康熙

縣志

大昌曰沈記注武林梵志云唐高宗時玄覽法師即其地而恢拓之鑄金銅像三百五十軀書金字涅槃經二千餘卷今據仁和縣志高宗作高祖按玄覽卒於開元時縣志似誤沈記載華

嚴隋末之燬唐之重建則其恢拓似不應僅見於請湖放生也今補出之

中宗皇帝景龍四年盧季詢書龍興院寺碑淳祐臨安志龍

興院在臨平鎮東唐景龍四年盧季詢書寺碑今不存紹興六年僧慧文募緣重建是時東湖白龍潭連年風濤衝運塘害及蘇湖民田慧文與鄉父老用力修建為保禳之地

大昌曰龍興寺紹興六年重建沈記據嘉靖仁

和縣志謂以太后駕幸妙華庵改賜額龍興然

東江云幸臨平在十二年八月豈豫於六年賜

額哉或歲次有小誤耳今仍縣志舊文是東江

已疑其非蓋淳祐臨安志其時罕觀自胡書農

臨平記補遺卷一 三

學士從永樂大典錄出始有傳本今補錄此以

見唐時已有龍興院名紹興六年祇重修非賜

額而因韋太后臨幸賜額或別一龍興寺與所

謂龍興院非一名未可知也書闕有閒未敢臆

言故紹興六年重建不更復贅

肅宗皇帝乾元間劉晏遣吏勸臨平監民積鹽唐書地理

志杭州餘杭郡有臨平新亭二監鹽官。食貨志鹽鐵使劉晏以鹽生霖潦則鹵薄曠旱則土溜墳乃隨時為台遣吏曉導倍于勸農吳越楊楚鹽廩至數千積鹽二萬石有漣水湖州越州杭州四場嘉興海陵鹽城新亭臨平蘭亭永嘉大昌侯官富都十監歲得錢百餘萬緡

文宗皇帝大和八年臨平湖竭魚鳥皆死追昔遊詩集卻到浙

西詩注。案是歲李紳為浙東觀察使，振浙西饑，據舊唐書李紳傳辨見詩紀。

梁太祖皇帝開平三年冬十月高澧舉兵焚臨平鎮

乾隆杭州府志梁太祖開平三年冬十月湖州刺史高澧遣其黨焚燒臨平鎮。方輿紀要高澧以湖州附淮南舉兵焚義和臨平鎮。

張爾嘉曰淮南西川二國於開平初移檄岐王

晉王欲會兵興復唐室高澧舉兵附淮南殆應

檄以為興復唐室計乎似未可以焚鎮少之

後唐潞王清泰間建永慶寺於黃鶴山之陽武林梵志永慶

禪寺在黃鶴山之陽今稱龍居寺唐清泰間建

大昌曰沈記載清泰元年吳越王錢元瓘建安

臨平記補遺卷一 四

平寺於臨平山則永慶之建始亦元瓘同時並

建者歟

晉高祖天福七年僧佛日築淨業堂武林梵志梅石庵在黃鶴山之

之陽天福七年佛日禪師淨業堂舊址

宋太宗皇帝端拱元年置臨平鎮乾道臨安志臨平鎮端拱元年置隸

仁和縣。乾隆杭州府志臨平鎮端拱元年置在仁和縣東五十七里。夢梁錄臨平湯村諸鎮市因南渡以來杭為行都二百餘年戶口蕃盛商賈買賣者十倍於昔往來輻輳非他郡比也

大昌曰沈記載唐置臨平監云宋臣張閣言錢

唐江水泛溢壞鹽亭鹽地三十餘里豈臨平監

亦鹽亭耶然山之去海甚遠又似非是按沈記卷二慶元重修石筧條下云臨平鎮南有曹家渠者腴田數千畝去海僅數里屢受漂沒之患又云臨平瀕海大德重修石筧條下云臨平去海甚邇虞其旦夕衝決民有淪溺之患宋之鎮卽唐時監云在山下則海水之至宜矣旣云瀕海又云去海甚遠說殊兩岐況仁和疆域據吳越備史云割錢唐鹽官各半臨平偏東沈記亦有云爲鹽官界其爲鹽亭豈無自耶

仁宗皇帝皇祐三年四月七日蔡襄賞芍藥於臨平

臨平記補遺卷一

五

精嚴寺西軒

梁清標秋碧堂帖
○蔡忠惠公詩序

徐維琨曰精嚴寺未見記載蔡忠惠公文集仍作華嚴院不知精字誤否抑臨平別有精嚴寺耶然秋碧堂帖公自書詩蹟固顯然作精嚴也大昌曰蔡忠惠文集賞芍藥詩原注云辛卯四月按乾道志公於治平二年乙巳歲二月知杭州而辛卯歲則爲皇祐三年是賞花賦詩在未知杭州以前宋史稱公乞杭州始以游屐熟經故湖山樂爲重蒞也

神宗皇帝元豐間靖海姚通判築白龍潭隄

黃山谷
集朝請

大夫知吉州姚公墓誌銘公為靖海人通判杭州州東挾漕河民曰白龍潭岸善決毀民成功公至則築捍水隄於今為有年六年六十三以某年奉窀穸於錢唐之某原

張景雲曰沈記載許應龍永和塘記云惟永和隄阻臨平白龍潭之險姚公此築實在永和隄之前許云邑有范任二君倡為義舉蓋未考設

置此隄之始自姚公也

哲宗皇帝元祐四年蘇軾書天宮寶藏四字於佛日

輪藏周必大南歸錄佛日輪藏刻天宮寶藏四字相傳元祐四年東坡出帥時所書

孫樹禮曰安平泉失去人猶有知之者此四字幾於伐檀削迹矣

臨平記補遺卷一 六

徽宗皇帝崇寧二年二月十七日命入內供奉官童

貫重修建臨平山舊塔楊仲良長編紀事本末卷百三十九注云初草

二月十七日載命入內供奉官童貫重修建臨平山舊塔初草蓋據温州報狀

黃以周曰沈記載蔡準墓引西湖志餘云京築塔山頂又云大觀四年嘗奏京修塔惜無年月

可考據長編紀事則重修年月俱在志餘謂京自築非也

政和三年僧道釋築庵於亭溪村成化杭州府志羅漢院在亭溪

村政和三年僧道釋者經此聞鐘磬聲遂卓庵而居乾道四年賜名羅漢院

欽宗皇帝靖康元年詔鑿臨平山蔡準墓康熙仁和縣志臨平

山蔡京葬其父準於此京敗靖康元年詔鑿破之今俗名斷嶺○癸辛雜志宣和中蔡京葬其父於臨平及京敗或謂此山為駱駝飲海勢遂下本路遺匠鑿破之其地至今有開鑿之徑丁立誠曰沈記謂洪武初鑿蓋未見周公謹書耳或靖康鑿破其墓明代更斷山頸歟然周謂宣和中葬似亦失實長編紀事注謂修塔在崇寧二年又卷百三十六政和二年己卯手詔賜蔡京曰臨平置塔初因錢氏尊相名寺起於治平匪緣近年創有增建云云是修塔在崇寧初張克公劾京在大觀末手詔賜京在政和初政和八年改元重和越年改元宣和周云宣和中

臨平記補遺卷一

七

豈其然歟

高宗皇帝建炎三年金人至淮泗帝發揚州退避二月

辛酉御舟泊臨平鎮

建炎以來繫年要錄建炎三年二月辛酉御舟泊臨

平鎮壬戌至杭州以州治為行宮顯寧寺為尚書省

大昌曰要錄稱是時扈駕惟苗傅一軍而已受

明改元之變由是萌焉其能復辟抑亦幸事歟

苗傅之扼臨平具見沈記

紹興初驅鳳凰山鴉於臨平赤岸間

葉紹翁四朝聞見錄紹興

初高宗建行闕於鳳凰山山中林木蒼如鴉以千萬計朝則相呼鼓翼以出啄粟於近郊諸倉昏則整陣而入噪鳴聒天高宗故在汴邸無山故未嘗聞此至則大駭命內臣張去為領修內

司諸兒聚彈射而驅之臨平赤岸開未幾
鴉復如初彈者計窮宮中亦習以爲常

孫禮煜曰徐一夔行宮考宋行宮在鳳凰山下

卽自唐以來之州治咸淳志建炎三年以州治

爲行宮紹興元年十一月詔守臣徐康國措置

草創然則驅鴉一事其在元年措置草創時乎

四年冬金人犯淮甸從尙書左僕射趙鼎請親征

十月戊戌泊臨平鎮建炎以來繫年要錄四年

天章祖師神御以行劉錫楊沂中以軍從晚泊

臨平鎮注引趙姓之遺史云金人在淮甸張俊

軍鎮江府出戰有遲疑未渡之意朝野驚疑趙

鼎見上屢請車駕早幸江上上首肯之卽退又

爲中官沮之至是鼎請上親征且曰軍兵百姓

皆望陛下親征之利也臣欲乞陛下發遣中官

詔事俟退敵回鑾共享安逸之福議遂定命卽草

臨平記補遺卷一 八

高保康曰親征之議數中官能沮撓之高宗豈

能決計者哉至請發中官至都堂而後決趙鼎

之志苦矣一時李綱上擣壽昌臨畿甸之策呂

頤獻分道進兵之書皆慷慨憤激翹首相俟焉

五年春金人退師從參知政事留守孟庾請車駕

還臨安二月辛巳宿臨平鎮建炎以來繫年要錄

許仁杰曰高宗親征駐平江府其時夜月犯昴

占者謂爲敵滅之象而吳乞買卒金主晟薨金人皇懼將帥用命恢復中原之機也已足繩澶淵之祖武矣臨平回蹕之宿以視建炎退避之泊舟其氣象固迥不相侔然不思乘此進取以圖恢復惜哉

六年劉豫入寇幸平江親征移蹕建康九月丁卯

御舟宿臨平鎮

建炎以來要錄六年九月丁卯朔發臨安府御舟宿臨平

鎮於舟中與宰執論岳飛之捷。建炎以來朝野雜記六年秋劉豫入寇上幸平江

楊振鎬曰高宗嘗謂趙鼎曰若警奏初聞而朕或爲退避之計江浙已爲邱墟矣然則再議親

臨平記補遺卷一

九

征建康駐蹕猶然英武之資也

僧慧文與鄉父老修建運塘捍白龍潭風濤

潛祐臨安

志

八年回蹕臨安正月癸亥發建康丁丑次臨平鎮

建炎以來繫年要錄注引呂中曰紹興八年定都臨安不復進都此秦檜之爲也

周元瑞曰是時趙鼎罷相而秦檜用事和議寢決不復議親征者幾二十餘年偏安之局至此遂限檜之罪可勝誅哉

十四年四月水壞臨平塘岸禱於白龍潭重建白

龍王廟

咸淳臨安志白龍潭在仁和縣臨平鎮東湖舊有龍王廟紹興十四年水衝壞

塘岸版築不就禱於塘重立廟乃成

丁立誠曰沈記白龍祠祈禱晴雨事數見淳祐七年禱雨寶祐五年禱晴六年禱雨而紹興之禱於潭乃重修祠廟之始也自有祠廟故雨晴皆禱於是

三十一年金亮主渝盟侵犯親往視師八月戊申

發臨安府御舟泊臨平鎮建炎以來繫年要錄

許郊曰是時金人將謀廢立禍亂已萌亦恢復機會而親往視師仍屬強弩之末惜哉

三十二年二月回蹕臨安府甲寅次臨平鎮建炎以來

臨平記補遺卷一

繫年要錄

大昌曰沈記於名流之至臨平必取以為美談而高宗自退避後及親征往復至鎮駐蹕凡七次均未之載僅具迎章太后一條殆未見李心傳此書歟今皆依其日月備錄之惟曰舟泊曰宿曰次其辭不一亦姑悉仍其舊

紹興間金國賀天申節賀正旦人使來及回程賜

酒果御筵於臨平赤岸劉才邵糴溪居士集大

赤岸賜酒果口宣有勅使輅遠暨炎暑屆辰深

惟跋履之勞宜有甘芳之賜式隆眷待用示恩私又使人賀正旦到赤岸賜酒果口宣有勅遠馳使傳將次國門經涉實勞宜加眷體芳醪美

實併示殊恩又人使賀正旦回程赤岸賜酒果
口宣有勅載飭征驂既遵歸路念川途之方遠
頌芳旨以宜豐用致殊私式昭眷體又使人賀
天申節回程赤岸賜御筵口宣有勅肅馳輶傳
來會詠期適屆炎蒸諒多勤勩肆備陳於慈宴
以昭示於眷懷又使人賀正旦回程赤岸賜御
筵口宣有勅講儀已事馳傳言旋少留從騎於
近郊肆錫娛賓之廣宴茲惟異數以示至懷又
人使賀正旦到赤岸賜御筵口宣有勅肅將信
幣來慶歲朝已次近郊念多勞勩特頒燕衍用
示眷懷又使人回程臨平鎮賜祖送御筵口宣
有勅使華成禮夙駕言還眷惟歸路之遙宜有
祖行之寵式資燕樂用示恩私又使人賀正旦
賜御筵口宣有勅肅持使傳初歷歸途增輝原
隰之華申賜豆籩之燕
用紆勤勩特示眷私

大昌曰樵溪居士集載賜金國人使口宣凡五
十七條其在臨平鎮赤岸凡八條年月無可稽

臨平記補遺卷一

士

矣才邵仕於紹興中葉故附載於此

又曰臨平鎮赤岸本至杭孔道金國人使來及
回程宋時皆有賜酒果賜御筵之典固不僅此
數次也惟無徵於載籍者均不錄焉

孝宗皇帝乾道四年賜亭溪村僧道釋所卓庵名為

羅漢教寺

院成化杭州府志。嘉祐臨安志羅漢

五年六月二日陸游宿臨平陸游入蜀記乾道五

班荆館小休亭荆者北使宿頓及賜燕之地
距臨安三十里晚急雨頗涼宿臨平者
太師蔡京葬其父準於此以錢唐江為水會稽
山為案山形如駱駝葬於此之耳而築塔於
之峯蓋葬師云誰似臨平山上塔亭亭迎客西來

送客行則臨平有塔亦久矣當是蔡氏葬增築
或遷耳京責太子少保制云託祝聖而飾臨平
之山是也
夜半解舟

十一月十一日壬戌張伯純劉邦達送樓鑰北行

過赤岸北行日錄

大昌曰是年樓公以其仲舅汪大猷充金國賀
正旦使辟充書狀官故有北行日錄之著此其
北行之始也

六年二月十三日甲午樓鑰北行歸過臨平赤岸

北行日錄

曲園先生曰沈記於宋仁宗康定元年大書夏

臨平記補遺卷一 三

四月翼拱之來游臨平山細礪洞孝宗乾道八
年書春二月周必大至臨平名流所至為山川
生色固也然則此二公者其名蹟當與周伯仲
視翼遠過矣

淳熙三年正月周必大借尚書永寧侯押伴金國

賀正旦人使御筵於赤岸周益公年譜

四年十月周必大押伴金國人使御筵於赤岸省齋

文稿卷六詩序程泰之有金帶銀章之句乃因
十月二十八日押伴北使赤岸御筵服重金侍
宴紫宸殿坐間作數語為戲。玉堂類稿卷十
三赤岸賜御筵內侍徐永叔口宣有勅卿等聯
華擁節奉幣朝春念久涉於修途命少休於近
館特願宴飲深體眷懷又口宣有勅歲事一新

鄰歡載睦嘉使廬之近止秩賓燕以樂胥適屬
隆寒固宜霑醉又內侍張思溫口宜有勅歲律
將新使廬並驚雖慶賀之未展在馳驅而任勞
爰即郊關就頌燕飲又口宜有勅卿等並涉修
途來趨新歲艤餘於近岸酒果內侍道以良勤
示湛恩用光聘使赤來慶賜酒春事華又內侍
有勅卿等遠修鄰好芳旨以勞皇華近內侍王
望闕廷而甚邇錫之好來慶賜酒春事華又內侍
敦禮口宣有勅卿等遠修鄰好芳旨以勞皇華近
尊之醕旨豐庶口宣有勅卿等遠修鄰好芳旨以
又內侍謝安民口宣有勅卿等遠修鄰好芳旨以
鄰使遠來益修舊好迎頒醪核寵勞運倣慶新
宣有勅卿等抗廬賀歲飛棹及郊載稽勞問之
儀特厚甘嘉之抗廬賀歲飛棹及郊載稽勞問之
岸賜御筵內待朱思正口宣有勅卿等遠修鄰
祺式旋使旆望征帆之內侍黃述口宜有勅卿
惜滿觴載光行色又內侍黃述口宜有勂卿等
既成聘好方即歸途宜少駐於郊關俾載伸於
燕餞式將厚遇聊慰遐征又口宜有勂卿等
趨歲節嘉修好之有常于邁春郊念遵途之未

臨平記補遺卷一 三

遠宜開寵餞用賞歸裝又口宜有勂卿等已慶
元春式造歸旆欲示使華之寵載伸郊餞之儀
方屬餘寒勿辭霑醉回程歲道次郵亭念涉履
弼口宣有勂卿等禮成獻歲宴餞仍賜旨嘉內
之方勤軫眷懷而良厚旣陳宴餞仍賜旨嘉內
侍何弼口宣有勂卿等禮成獻歲宴餞仍賜旨嘉內
珍賜於宸廷有勂卿等禮成獻歲宴餞仍賜旨嘉內
華又口宣有勂卿等禮成獻歲宴餞仍賜旨嘉內
留於近岸益加厚於常頒惟是醕醪口宜有勂
等以近郊賀正旦使於常頒惟是醕醪口宜有勂
示近郊賀正旦使於常頒惟是醕醪口宜有勂
遠持聘幣勞欽承厚禮之加醕醪口宜有勂
遠持聘幣勞欽承厚禮之加醕醪口宜有勂
寢邇宜頌芳慶之實切眷存御之良勞望都城而
信及茲誕慶之期郊勞加隆申口宜有勂卿等
祇眷渥庸洗征塵赤岸賜御筵口宜有勂卿等
抗膺獻壽馳傳及都宜修御筵口宜有勂卿等
之寵勿辭飲醕庸對眷懷又口宜有勂卿等
持瑞節來奉壽觴而承遠役於初寒豐宴邊於近
館有華茲禮其肅而承遠役於初寒豐宴邊於近

鄰歡恪趨辰誕眷遵塗之甚遠欣弭節之有期
爰即近郊特開華讌又口宜有勅卿等言馳遠
道契飛電之嘉辰爰即近懷霈需雲之異渥諒
增華於使節宜深體於眷懷回程赤岸賜御筵
口宜更開別燕庸益光於行色尚深體於眷懷
又口宜有勅卿等肅駕歸艤暫留近岸欲示勤
劬之意載願慈惠之恩方屬嚴凝勿辭霑醉又
口宜有勅卿等來慶誕辰厚眷懷特申燕餞又
遠道姑弭筆於近郊載厚眷懷特申燕餞又
宣有勅卿等屬奉壽觴茲旋使節掛征帆而未
遠經別岸以少留欲示眷私更伸燕餞又口宜
有勅展縟儀於壽旦已締鄰歡弭歸棹於堠亭
載陳飲餞茲惟示惠亦以紆勞上歸棹於堠亭
程赤岸賜酒果口宜有勅卿等既成壽禮載鶩
歸舟即別岸以少留馳近藩以加勞錫之甘旨
體我眷私又口宜有勅卿等遠飾使裝來趨誕
節歸舟載飾甫懸於壙亭嘉賓薦觴更將於恩
意又口宜有勅卿等稱觴壽旦返旆霜冬念甫
事於遐征俾少休於近驛載頌芳旨加厚眷私

臨平記補遺卷一

齒

又口宜有勅飛綬遐暨嘉請祝於修齡犯輶遙
歸尚眷留於近岸馳頌醪核益溥龍光。以上
節使賀會慶

大昌曰益公押伴人使筵宴年譜數見而書赤
岸則祇一條其餘或以常例而不書歟據玉堂
類稿則正旦使一為乾道七年一為淳熙三年
一為淳熙四年一為淳熙五年會慶節使則一
為乾道七年一為淳熙二年一為淳熙四年今
凡在赤岸口宜皆附見於此

十二月佛日僧慧舉以東坡佛日題名勒之石范

成大跋之成化杭州府志載跋文云右文忠公
倅杭時送客至佛日山寺壁間所題

余年十五往來山中常與舉上人游居其下後
三十九年舉欲旬縣公勒之石余亦自蜀道東
歸因勸成之瀉熙丁酉嘉平月范成大書。
周益公南歸錄慧舉字舉直姓朱氏頗能詩
許郊曰沈記載東坡佛日送客題名乃引鮮于
樞游記著錄為據不載勒石之事豈此題名亦
同於安平泉石上之詩十年化去乎

五年正月九日周必大跋東坡佛日題名周益公文集云

佛日淨慧寺在桐扣黃鶴峯下寺有池池有濕
注泉東坡所謂細泉幽咽走金沙者堂上留題
今既百年僧慧舉乃謀入石可謂好事矣桐扣
以張華得名俗稱桐口非也瀉熙五年正月九
日周必大書

大昌曰沈記於乾道八年二月書周必大至臨

臨平記補遺卷一 五

平乃引吳郡諸山錄云云然據錄中有云齋罷
復登舟晚宿臨平是乾道八年至臨平僅登岸
為一游仍宿舟次觀此跋日月去乾道八年已
七閱寒暑雪泥鴻爪生色山川固不僅以一至
其地為美談矣

瀉熙間賜無量院名額嘉靖仁和縣志在赤岸村宋瀉熙間賜是額

賜妙果院名額瀉補臨安志妙果院在赤岸瀉熙移鹽官縣廢額。嘉靖仁和縣志

在赤岸村瀉熙間賜是額

十四年十二月使臣朱直卿之臨平捕盜董

紹熙五年十月金國弔祭人使來及回程賜酒果

御筵於臨平赤岸攻媿集紹熙五年金國弔祭

卿等遠將慰問來居近郊先之旨酒之頒增以

嘉肴之錫少安次舍用息勤勞赤岸賜御筵口

宣有敕卿等握節載馳越疆來弔將展國喪之

禮宜先郊勞之儀其體眷私少休偃簿回程赤

岸賜酒果口宣有勅卿等返旆云初出郊于邁

加六壺六籩之饋致三辭三揖之勤式慰爾歸

用將子意回程赤岸賜御筵口宣有敕卿等成

禮云歸啟途未遠意方勤於郊送恩宜視夫賓

初既厚眷私益堅信睦

登寶位人使赤岸賜酒果口宣有敕卿等來次

郊闈肅將賀禮寵以上尊之賜加之碩果之珍

式仁來游以堅信好赤岸賜御筵口宣有勅卿

御示圖遠勤信使既女郊闈之近載加燕豆之

優其體眷私以承虛仁回程赤岸賜酒果口宣

有敕卿等已祇聘禮初計歸程迺馳賜於上尊

仍分頒夫碩果少安旅次徐屆征途回程赤岸

賜御筵口宣有動卿等持禮言還戒途伊始爰

敢在公之燕用華修聘之歸旣秩賓筵遂登客

路。慶元元年金國賀正旦人使赤岸賜酒果

口宣有敕卿等遠從萬里來賀三朝望觀闕以

非遙賜壺籩而加腆尚承眷渥以締歡盟赤岸

賜御筵口宣有動卿等履端之始將命以維均

慶元初重建徧福院趙靡爲之記福院在赤岸晉

天福七年錢氏建舊名衆善宋治平二

年改今額慶元初重建趙靡爲之記

嘉泰間金國人使來賜御宴酒果於臨平赤岸

堂集赤岸賜御宴口宣有敕卿等肅駕使輅甫

臨畿甸將展昕朝之賀紹修誕日之歡爰以詔

言示夫眷意赤岸賜酒果口宣有敕卿等來慶

臨平記補遺卷一 六

庸昭寵眷
豈曰故常

大昌曰宋史無虞儔傳恭讀

欽定四庫全書總目尊白堂集宋虞儔撰從永樂大典
錄出儔字壽老寧國人隆興初入太學舉進士
累官兵部侍郎奉祠卒始爲績溪令以治平被
薦遷監察御史搏擊權貴朝廷肅然爲浙東提
刑徙知湖州又嘗銜命使金考金史交聘表泰
和元年三月乙亥宋使刑部尚書虞儔泉州中
觀察使張仲舒等來報謝集中有使北回上殿
劄子卽其事也謹案金泰和元年卽宋嘉泰元

臨平記補遺卷一

七

年據宋史慶元六年冬金遣烏古論誼來弔遣
虞儔使金報謝交聘表書泰和元年三月以至
金時日記之此口宣有紹修誕日之歡則當爲
賀誕節惟其時日無考今姑附於嘉泰間則雖
人使之至不得其時而其事自爲有徵也

嘉定元年八月金國諭成人使來賜酒果御筵於

臨平赤岸

攻媿集嘉定元年八月金國諭成人使至赤岸賜酒果口宣有敕卿等徒

御遠征郊圻密邇爰再頒於甘醴仍分錫夫嘉

肴行色少休賓筵是飾赤岸賜御筵口宣有敕

卿等遠驅雲之復式昭眷意益謹前規

八年知仁和縣趙希言築臨平塘重隄

宋史趙希言傳臨平

隄決希言督役親捧土投石兵民爭奮隄成因築重隄後不復決

羅槩曰希言字若訥惠王令應元孫後官至開府儀同三司築塘事史不載日月郭北三山志云嘉定八年乾隆杭州府志水利門采之職官門亦繫之嘉定八年任

十二年以海水為臨平塘患下諸司條具築捺之

策宋史河渠志東南諸水嘉定十二年臣僚言京畿赤縣密邇都城內有二十五里塘直通長安脯上徹臨平下接崇德漕運往來客船絡繹兩岸田畝無非決壞若海水徑入於塘不惟民田有鹹水淪沒之患而裏河隄岸亦將有潰裂之憂下浙西諸司條具築捺之策務使捍隄堅壯土脈充實不為怒潮所衝從之

臨平記補遺卷一 六

大昌曰沈記張閣言錢塘江出臨平議修築一條引宋史而載於附記謂無年月而僅存世系者今考宋史河渠志東南諸水上明書政和二年七月兵部尚書張閣言云云豈東江未曾檢及之耶信然則河渠志東南諸水下嘉定十二年此條其漏采也宜矣宋志又載政和六年閏正月知杭州李偃言湯村巖門白石等處並錢塘江通大海日受兩潮漸至侵齧乞依六合寺岸用石砌壘乃命劉旣濟修治今考湯村白石與臨平接壤雖未言及而亦在其內故云等處

惟無臨平二字不復采入

孫樹義曰據趙希言傳中云因築重隄後不復決此則臣僚又以海水為患乞下諸司具策始思患而預防耶

理宗皇帝嘉熙二年范光記蓮華井

今圖書集欽定古

方典載記文云臨平山後十里井鹵惡余客小
林四面散汲其味畧同日與范右之蔡及之納
涼蓮花院院有三井扣僧執勝僧指露井最良
余亟取烹茗清甘寒冽自是日走蹙奴二罌靳
不輕費品此泉為小林第一井有神焉亦喜自
賀吾不復將百味矣雖然唐人詩云除卻借書
沽酒外更無閒事擾公私余嘗長斯邑頗以不
擾見思別十年矣行旅如歸今以汲水擾人乎
右之笑曰亦君甘棠加封殖爾何愛數語以記斯井之逢

臨平記補遺卷一

充

大昌曰萬厯志職官表紹定二年仁和令范光
茲據范記中有別十年之語作記當在嘉熙二
年也

朱孝淮曰蘇長公官杭郡於玉女泉置調水符
良吏風雅口碑競稱政成訟理之暇汲水晶泉
未足云擾范君廉泉示潔以此為擾人官箴砥
礪其已嚴乎

寶祐二年六月壬寅朔罷臨安府臨平鎮稅場

宋史

本紀

周元瑞曰南渡時民生苦於供億久矣稅場罷

免生計少蘇惜其僅在一鎮迨公田之設則疲
傲極焉

六年臨平山里人立白龍王廟謝緒所書碑長山小志

碑為寶祐六年立謝緒書

魏本存曰沈載寶祐詣廟禱雨事云其建碑年
月今亦無考碑尾隱隱有宮眷字疑出自理宗
御賜未可知也蓋未考碑文耳

又曰謝緒後受金龍四大王之封亦龍神矣其
神見形黃河灘岸每幻為方頭小黃蛇見則防
河官吏演劇致祭其蛇輒蟠木主昂首受之則

臨平記補遺卷一

三

其書碑也已為靈氣相感召歟

元世祖皇帝至元十三年正月癸巳巴延軍次臨平

鎮元史世祖紀至元十三年正月戊寅巴延以
鎮軍出嘉興壬午軍次長安鎮癸未軍次臨平
鎮甲申次皋亭山宋主遣其保康軍承宣使尹
甫和州防禦使吉甫等齎傳國寶及降表詣軍
前乙酉師次臨平北十五里戊子宋主祖母謝
氏遣其丞相吳堅文天祥樞密謝堂安撫賈餘
慶中貴鄧惟善來見巴延於明因寺巴延顧文
天祥舉動不常疑有異志羈留軍中巴延傳
正月壬午次長安鎮癸未進軍臨平鎮甲戌次
皋亭山宋主遣知臨安府賈餘慶同宗室保康
軍承宣使尹甫和州防禦使吉甫奉傳國璽及
降表詣軍前。宋季三朝政要德祐二年正月
大丞相伯顏領兵進皋亭山出長城三十里北使
請執政至軍議文天祥請行成宜中夜遁十九
日除文天祥右丞相相兼樞密院天祥除不拜乃
以賈餘慶為右丞相吳堅為左丞相謝堂樞密

院家鉉翁參知政事劉岳同知樞密院事侍從
交贊公出天祥曰國事至此吾不得愛身翼日
以資政殿大學士行至皋亭山見伯顏
丞相天祥抗辭不屈遂留之不使南歸

曲園先生曰史載是年正月丁卯朔則癸未巴
延軍次臨平乃十七日也此宋末一大事而沈
記不載止載元兵迫臨平提刑徐道隆入援死
之一事又誤以元兵迫臨平為德祐元年冬十
二月事失之矣

又曰乙酉師次臨安北十五里而戊子吳堅文
天祥等仍見於明因寺蓋前軍進次而巴延猶
駐臨平也宋史文天祥傳但言與伯顏抗論皋

臨平記補遺卷一

三

亭山三朝政要亦但言至皋亭山而不知其實
在明因寺此亦臨平一大故事也

順帝至元間建寂照庵於臨平山成化杭州府志嘉靖府志作寂然

庵乾隆府志同

至正間重建治平寺成化杭州府志

至正末廣嚴寺燬成化杭州府志

安隱寺燬成化杭州府志

徧福寺燬成化杭州府志

治平寺燬成化杭州府志

明覺院燬成化杭州府志

景星觀燬嘉靖仁和縣志。成化杭州府

羅漢教寺燬成化杭州府志

圓通庵燬武林志

月輪寺燬乾隆杭州府志

大慈院燬乾隆杭州府志

寶慶院燬乾隆杭州府志

壽寧院燬嘉靖仁志

淨信庵燬嘉靖仁志

龍興寺燬嘉靖仁志。成

蓮花院燬嘉靖仁志

臨平記補遺卷一 三

迎峯庵燬嘉靖仁志

月華庵燬嘉靖仁志

顯惠庵燬嘉靖仁志

大昌曰沈記於隋大業唐會昌宋建炎華嚴院諸寺之燬均備書之元至正末東南寇賊蠡起張士誠往來蘇杭臨平寶孔道也雖史冊亦如隋書無臨平被兵之文而諸寺之燬幾盡民生蹂躪可知矣備書之亦沈氏舊例也